

**ҲУҚУҚИЙ ТАДҚИҚОТЛАР
ЖУРНАЛИ**
6 ЖИЛД, 8 СОН

**ЖУРНАЛ ПРАВОВЫХ
ИССЛЕДОВАНИЙ**
ТОМ 6, НОМЕР 8

**JOURNAL OF LAW
RESEARCH**
VOLUME 6, ISSUE 8



Бош муҳаррир:
Главный редактор:
Chief Editor:
д.ю.н., проф.
(Doctor of Law, Professor)
Абдурасулова Қумринисо Раимқуловна

Бош муҳаррир ўринбосари:
Заместитель главного редактора:
Deputy Chief Editor:
д.ю.н., доцент
(Doctor of Law, Associate professor)
Файзиёв Шохруд Фармонович

Ҳуқуқий тадқиқотлар журнали таҳририй маслаҳат кенгаши
редакционный совет журнала Правовых исследований
Editorial Board Journal of Law research

12.00.01 - Давлат ва ҳуқуқ назарияси ва тарихи. Ҳуқуқий таълимотлар тарихи / Теория права и государства, История правовых учений / Theory of law and state, History of legal doctrines

ю. ф. д., проф. Ҳалимбой Бобоев
ю. ф. д., проф. Аҳмедшаева Мавлюда
ю. ф. д., проф. Муҳиддинова Фирюза
ю. ф. д., проф. Адилходжаева Сурайё
ю. ф. д., проф. Сатторов Абдуғаффор

Yosuke Shamoto (Japan)
д.ю.н., проф. Артур Гамбарян
(Республика Армения)

12.00.02 - Конституциявий ҳуқуқ. Маъмурий ҳуқуқ. Молия ва божхона ҳуқуқи / Конституционное право; административное право; финансовое право / Constitutional Law; administrative law; financial right

ю. ф. д. Гулчехра Маликова
ю. ф. д. Хусанов Озод
ю. ф. н. Хван Леонид Борисович
ю. ф. д. Силиманова Светлана

Sung Un Lee (South Korea)
д.ю.н., доц. Пешкова Христина Вячеславовна
(Российская Федерация)

12.00.03 - Фуқаролик ҳуқуқи. Тадбиркорлик ҳуқуқи. Оила ҳуқуқи. Халқаро хусусий ҳуқуқ / Гражданское право; предпринимательское право; семейное право; международное частное право / Civil law; Business law; family law; Private international law

юримқ фанлар доктори, профессор
Ўзбекистон Республикасида хизмат
кўрсатган юрист Окюлов Омонбой,
Рузиев Рустам, Рузиназаров Шухрат,
Шомухамедова Замира, Баратов
Миродил, Бобоқул Тошев

Dr. Ahmad Issa Altweissi (Jordan)

12.00.04 - Фуқаролик процессуал ҳуқуқи. Хўжалик процессуал ҳуқуқи. Ҳақамлик жараёни ва медиация / Гражданское процессуальное право; хозяйственное процессуальное право, арбитражный процесс и медиация / Civil Procedure Law; Economic procedural law, arbitration process and mediation

юримқ фанлар доктори, профессор,
Ўзбекистон Республикасида хизмат
кўрсатган юрист Эсанова Замира
Нормуродовна, Мамасидиков Музаффар

Jason A. Cantone Federal court center (USA)

12.00.05 - Меҳнат ҳуқуқи. Ижтимоий таъминот ҳуқуқи / Трудовое право; право социального обеспечения / The Labor law; Social security law

ю.ф.д., проф. Усманова Муборак Акмалхановна
ю.ф.н., доц. Гасанов Михаил Юриевич
ю.ф.н., доц. Сатторова Гулноза
ю.ф.н., доц. Муродова Гулнора

д.ю.н., проф. Денисов Глеб
(Российская Федерация)

12.00.06 - Табиий ресурслар ҳуқуқи. Аграр ҳуқуқ. Экологик ҳуқуқ / Природоресурсное право; аграрное право; экологическое право / Natural resource law; Agrarian law; Environmental law

Ю.ф.д., проф. Файзиев Шухрат Хасанович,
Ўзбекистон Республикасида хизмат кўрсатган
юрист ю.ф.н, доц. Скрипников Николай
Кузмич, ю.ф.д., проф. Усмонов Муҳаммади
Бахридинович, ю.ф.д., проф. Холмўминов
Жума, ю.ф.д., проф. Жўраев Юлдаш
Ачилович

Долгополов Кирилл Андреевич
(Российская Федерация)

**12.00.07 - Суд ҳокимияти. Прокурор назорати. Ҳуқуқни муҳофаза қилиш фаолиятини ташкил этиш.
Адвокатура / Судебная власть. Прокурорский надзор. Организация правоохранительной
деятельности. Адвокатура / The judicial authority. Prosecutor supervision. Organization of law
enforcement activities. Advocacy**

Ю.ф.д., проф. Пўлатов Бахтиёр Халилович,
Ю.ф.д. Саломов Баҳром Саломович,
ю.ф.д., проф. Салаев Нодирбек Сапарбаевич
(Тошкент давлат юридик университети)

James B. Eaglin Федерал суд Маркази (АҚШ)
д.ю.н., проф. Кайрат Осмоналиев (Қирғизистон
Республикаси) к.ю.н., доц. Сергей Шошин
(Российская Федерация), д.ю.н., проф. Алексей
Кибальник (Российская Федерация), д.ю.н., проф.
Кудрявцев Владислав Леонидович (Российская
Федерация)

**12.00.08 - Жиноят ҳуқуқи. Криминология. Жиноят-ижроия ҳуқуқи /
Уголовное право и криминология; уголовно-исполнительное право /
Criminal law and criminology; Criminally-executive law**

Ю.ф.д., проф. Кабулов Рустам, Ўзбекистон
Республикасида хизмат кўрсатган юрист,
ю.ф.д., проф., Рустамбаев Мирзаюсуп
Ҳакимович, ю.ф.д., проф. Ражабова Мавжуда
Абдуллаевна, ю.ф.д., проф. Зуфаров Рустам
Ахмедович, ю.ф.д., проф. Тахиров Фарход,
ю.ф.д., проф. Исмоилов Исомиддин,

Matthew Light (Canada), проф. Юлдошев Рифат
Раҳмаджонович (Республика Таджикистан),
д.ю.н., проф. Елене Антонян Александровна
(Российская Федерация), д.ю.н., проф.
Джансараева Рима Ернатовна (Республика
Казахстан), Кирил (Российская Федерация)

**12.00.09 - Жиноят процесси. Криминалистика. тезкор-қидирув ҳуқуқ ва суд экспертизаси /
Уголовный процесс, криминалистика, оперативно-розыскное право и судебная экспертиза / Criminal
procedure, criminalistics, operative-search law and judicial examination**

Ю.ф.д., проф. Иноғомжонова Зумратхон
Фатхуллаевна, ю.ф.д., проф. Пўлатов Юрий
Сайфиевич, ю.ф.д. Мухиддинов Фахриддин,
ю.ф.д., проф. Тўлаганова Гулчехра Заҳитовна,
ю.ф.д. Миразов Даврон

Kevin Curtin (USA), Jurgen Maurer (Germany),
д.ю.н., проф. Стойко Николай Геннадьевич
(Российская Федерация), Проф. Рыжаков
Александр Петрович (Российская Федерация),
д.ю.н., проф. Зайниддин Искандаров (Республика
Таджикистан), Проф. Сергей Пен (Республика
Казахстан), доц. Алексей Пурс (Республика
Беларусь)

12.00.10 - Халқаро ҳуқуқ / Международное право / International law

ю.ф.д., проф. Исмоилов Баҳодир,
ю.ф.д., проф. Маткаримов Гулчехра,
ю.ф.д., проф. Юлдашева Говхержан

Alexander Trunk (Germany)

Мусахҳиҳ: Нурмуҳаммад Ҳамидов

Дазайн - саҳифаловчи: Хуршид Мирзахмедов

Контакт редакций журналов. www.tadqiqot.uz
ООО Tadqiqot город Ташкент,
улица Амира Темура пр.1, дом-2.
Web: <http://www.tadqiqot.uz/>; Email: info@tadqiqot.uz
Тел: (+998-94) 404-0000

Editorial staff of the journals of www.tadqiqot.uz
Tadqiqot LLC the city of Tashkent,
Amir Temur Street pr.1, House 2.
Web: <http://www.tadqiqot.uz/>; Email: info@tadqiqot.uz
Phone: (+998-94) 404-0000

1. Кудрявцев Игорь Владимирович КЛАССИФИКАЦИЯ, СТРУКТУРА И ФУНКЦИИ ПРАВОВОГО СОЗНАНИЯ.....	5
2. Донаев Бобуржон Иномжон ўғли ДАВЛАТ ХИЗМАТЧИЛАРИНИ РОТАЦИЯ ҚИЛИШНИНГ ТАШКИЛИЙ-ҲУҚУҚИЙ АСОСЛАРИНИ ТАКОМИЛЛАШТИРИШ.....	15
3. Ismoilov Bekjon Salihovich NOGIRONLIGI BO'LGAN SHAXSLAR TA'LIMIDA XALQARO Hujjatlarning ANAMIYATI HAMDA ULARNING IJTIMOIY-HUQUQIY Tahlili.....	22
4. Хамдамова Фируза Уразалиевна ДОСТИЖЕНИЕ СОЦИАЛЬНЫХ ЦЕЛЕЙ УСТОЙЧИВОГО РАЗВИТИЯ В УЗБЕКИСТАНЕ: «НИКТО НЕ ДОЛЖЕН ОСТАТЬСЯ БЕЗ ВНИМАНИЯ».....	31
5. Мусаев Қодирбек Абдуқодирович ФУҚАРОЛИК ҲУҚУҚИДА БИТИМНИНГ ҲАҚИҚИЙ ЭМАСЛИГИНИНГ ҲУҚУҚИЙ АСПЕКТЛАРИ.....	38
6. Турабоев Ихтиёржон Қобилович ВАЛЮТА ҚОНУНЧИЛИГИНИ ЭРКИНЛАШТИРИШ: ЎЗБЕКИСТОН ТАЖРИБАСИ.....	46
7. Бабаев Джахонгир Исмаилбекович ИСТЕЪМОЛЧИЛАР ҲУҚУҚЛАРИНИ БУЗГАНЛИК УЧУН ФУҚАРОЛИК-ҲУҚУҚИЙ ЖАВОБГАРЛИКНИ ТАКОМИЛЛАШТИРИШ МАСАЛАЛАРИ.....	53
8. Гафуров Фарход Рашидович ЎЗБЕКИСТОН РЕСПУБЛИКАСИДАН ЭЛЕКТРОН ВАЛЮТА ҚИММАТЛИКЛАРИНИ НОҚОНУНИЙ РАВИШДА ХОРИЖИЙ ДАВЛАТЛАРГА ОЛИБ ЧИҚИБ КЕТИЛИШИНИ ОЛДИНИ ОЛИШ ЧОРАЛАРИ ХУСУСИДА.....	63
9. Илмуратов Миракбар Усмонович ЖАЗОНИНГ МАЗМУН ВА МОҲИЯТИГА ДОИР ИЛМИЙ ҚАРАШЛАР.....	71
10. Садикова Ёркиной Салижоновна, Носирова Дилангиз Акбаровна ПОРАХЎРЛИК ЖИНОЯТЛАРИГА ҚАРШИ КУРАШИШИНИНГ ТАРИХИ.....	79
11. Садриддинов Шохрух Садриддин ўғли ҚИМОР ВА ТАВАККАЛЧИЛИККА АСОСЛАНГАН БОШҚА ЎЙИНЛАРНИ ТАШКИЛ ЭТИШ ҲАМДА ЎТКАЗГАНЛИК УЧУН ЖИНОЙ ЖАВОБГАРЛИК МАСАЛАЛАРИ.....	86
12. Рахмонов Шухрат Наимович, Хамдамова Фируза Уразалиевна МЕЖДУНАРОДНЫЕ ИНИЦИАТИВЫ УЗБЕКИСТАНА ПО УКРЕПЛЕНИЮ РЕГИОНАЛЬНОГО СОТРУДНИЧЕСТВА В ЦЕНТРАЛЬНОЙ АЗИИ.....	94

ҲУҚУҚИЙ ТАДҚИҚОТЛАР ЖУРНАЛИ ЖУРНАЛ ПРАВОВЫХ ИССЛЕДОВАНИЙ JOURNAL OF LAW RESEARCH

Турабоев Ихтиёржон Қобилович,
Тошкент давлат юридик университети
Маъмурий ва молия ҳуқуқи кафедраси
катта ўқитувчиси, PhD
E-mail: ituraboev@mail.ru

ВАЛЮТА ҚОНУНЧИЛИГИНИ ЭРКИНЛАШТИРИШ: ЎЗБЕКИСТОН ТАЖРИБАСИ

For citation: Turaboev Ikhtiyorjon Kobilovich. LIBERALIZATION OF CURRENCY LAWS: EXPERIENCE OF UZBEKISTAN. Journal of Law Research. 2021, 6 vol., issue 8, pp. 46-52

 <http://dx.doi.org/10.26739/2181-9130-2021-8-6>

АННОТАЦИЯ

Мақолада Ўзбекистон Республикасида валюта қонунчилигини эркинлаштиришнинг ўзига хос хусусиятлари кўриб чиқилган. Валюта бўйича чекловларнинг мамлакатда тадбиркорлар томонидан ташқи иқтисодий фаолиятни амалга оширишларига таъсири ўрганилган. Муаллиф томонидан Ўзбекистон Республикасида валюта қонунчилигини эркинлаштириш босқичлари таҳлил қилинган. Валюта қонунчилигини эркинлаштириш бўйича амалга оширилган ислохотлар натижаларига баҳо берилган. Муаллиф томонидан валютани тартибга солиш соҳасида сакланиб қолган чекловлар кўрсатиб ўтилган ва Ўзбекистон Республикаси валюта қонунчилигини такомиллаштириш бўйича таклифлар ишлаб чиқилган.

Калит сўзлар: валюта қонунчилиги, эркин айрибошлаш, валюта чекловлари, чет эл валютаси.

Турабоев Ихтиёржон Қобилович,
Старший преподаватель кафедры
Административное и финансовое право
Ташкентского государственного
юридического университета, PhD
E-mail: ituraboev@mail.ru

ЛИБЕРАЛИЗАЦИЯ ВАЛЮТНОГО ЗАКОНОДАТЕЛЬСТВА: ОПЫТ УЗБЕКИСТАНА

АННОТАЦИЯ

В статье рассматриваются опыт Республики Узбекистан по либерализации валютного законодательства. Изучено влияние валютных ограничений на осуществления внешнеэкономической деятельности субъектами предпринимательства. Автором проанализированы этапы либерализации валютного законодательства Республики Узбекистан, и выявлены действующие ограничения в сфере валютного регулирования. Даны оценки по итогам реформ в сфере валютного регулирования. Автором указаны действующие

ограничения в сфере валютного регулирования и разработаны рекомендации по дальнейшему совершенствованию валютного законодательства Республики Узбекистан.

Ключевые слова: валютное законодательство, свободная конвертация, валютное ограничение, иностранная валюта.

Turaboev Ikhtiyorjon Kobilovich,
Senior lecturer of the Department
Administrative and Financial Law
of Tashkent State University of Law,
PhD in Law
E-mail: ituraboev@mail.ru

LIBERALIZATION OF CURRENCY LAWS: EXPERIENCE OF UZBEKISTAN

ANNOTATION

The article was devoted to the actual issues liberalization of currency legislation of the Republic of Uzbekistan. Negative impact of currency restrictions on foreign economic activities of business entities was examined. The author made analysis of stages of liberalization of currency legislation in Uzbekistan and suggests that there is still grounds for further reform in this sphere. The author indicates the current restrictions in the field of currency regulation and developed recommendations for further improving the currency legislation of the Republic of Uzbekistan

Keywords: currency legislation, free conversion, currency restrictions, foreign currency.

Ўзбекистон Республикаси ўз мустақиллигига эришгандан бошлаб бозор муносабатларига ўтишни асосий мақсад қилиб олган ва мамлакат иқтисодиётини бозор муносабатларини ривожлантиришга қаратилган эканлиги Ўзбекистон Республикаси Конституциясида ҳам белгилаб қўйилган[1]. Бозор иқтисодиётини тартибга солишда давлатнинг валюта сиёсати муҳим ўрин тутди. Чунки тадбиркорлик субъектлари томонидан экспорт-импорт операцияларни олиб бориш, чет эл инвесторлари томонидан инвестиция киритиш ва мамлакатда улар томонидан тадбиркорлик фаолиятидан олинган фойдани репатриация қилиш мамлакатда валютани тартибга солиш қонунчилиги ҳамда валютани эркин алмаштириш даражасига бевосита боғлиқ. Агар мамлакат қонунчилиги чет эл инвесторига ўзи олган фойдани репатриация қилиш имконини бермаса ёки мамлакатда тадбиркорлик субъектлари учун валюта тушумини мажбурий сотиш шартлари ўрнатилган бўлса мазкур ҳолатлар хорижий инвесторлар учун сармоя киритишга тўсиқ бўлиши мумкин.

Маълумки, Ўзбекистон Республикаси мустақил давлат бўлганидан сўнг бозор муносабатларига ўтиш билан бирга жуда эҳтиёткорона валюта сиёсати олиб борилди. Шунинг учун узоқ муддат давомида мамлакатда валюта чекловлари ҳамда миллий валюта -сўмни бошқа валютага эркин алмаштириш мавжуд бўлмади. Баъзи олимлар валюта қонунчилигини эркинлаштириш мамлакатдан капитални чет элга чиқиб кетишига, компанияларнинг кўп қисмини ўз валютасини чет эл банкларидаги ҳисобварақларида сақлашига ҳамда мамлакатга чет эл валютасини кириб келишини камайишига олиб келади деб эътироф этадилар[2]. Шу сабабли давлатлар энг аввало валюта бозорини эркинлаштириш сиёсатини амалга оширишдан аввал унинг эҳтимолӣ салбий оқибатлари ҳақида ўйлайдилар ва валюта сиёсатини олиб боришда эҳтиёткорона сиёсат олиб бордилар.

Бошқа томондан олиб қараганда эса валюта чекловлари мамлакатда тадбиркорлик субъектлари томонидан экспорт-импорт операцияларини амалга оширишга тўсқинчилик қилувчи асосий омиллардан бири ҳисобланади. Халқаро молия корпорацияси (International Finance Corporation) томонидан 2003 йилда чоп этилган “Ўзбекистонда тадбиркорлик муҳити кичик ва ўрта бизнес вакиллари нигоҳида” тадқиқоти конвертация масаласи импорт қилувчилар учун энг муаммоли масалаларидан бири эканини кўрсатган[3].

Умуман олганда, 2000 йиллар бошида Ўзбекистон Республикаси ҳукумати томонидан миллий валютани эркин конвертация қилишни таъминлаш бўйича ҳаракатлар амалга оширилган. Масалан, 2003 йил 15 октябрда Ўзбекистон Республикаси Ҳукумати Халқаро Валюта Жамғармаси тўғрисидаги Шартнома VIII-моддаси 2(а), 3, 4 бўлимларидаги мажбуриятларга зид келувчи ҳар қандай валюта чекловлари ва валюта алмаштиришнинг бир нечта курсларини бекор қилиш бўйича мажбуриятни ўз зиммасига олди. Яъни мазкур санадан бошлаб Ўзбекистон Республикасида валютани эркин конвертация қилиниши қутилган эди. Аммо мамлакатда валюта чекловларига тўла барҳам бериш ҳамда валютани эркин алмаштиришни амалга ошириш имконияти бўлмади. Бунга яна Халқаро молия корпорацияси (International Finance Corporation) нинг 2005 йил якунлари бўйича чоп этилган “Ўзбекистонда тадбиркорлик муҳити кичик ва ўрта бизнес вакиллари нигоҳида” тадқиқотида ҳам кузатиш мумкин. Тадқиқотда таъкидланишича миллий валютани конвертация қилиш муддати бир неча ойни ташкил этган. Бу эса импорт билан шуғулланувчи компанияларга хорижий шерикларлари билан ҳисоб-китобларни амалга оширишларида жиддий тўсиқ эди. Ўз маҳсулотини экспорт қилиб хориж валютасида тушумга эсга бўлган корхоналар учун тушумни бир қисmini Марказий банк белгилаган курсда сотиш мажбурияти ҳам мавжуд эди. Тадбиркорлик субъектлари учун экспорт тушумини 50%ини Ўзбекистон Республикаси Марказий банки томонидан ўрнатилган курс бўйича мажбурий сотиш бўйича қоидалар улар томонидан ташқи иқтисодий фаолиятни амалга оширишга тўсқинлик қиларди. Агар экспорт қилувчи валюта тушумини келиб тушушини белгиланган муддатдан 30 банк кунидан ортиқ муддатга кечиктирса, келиб тушмаган валюта тушумининг 100% миқдориди жарима тўлашга тўғри келган ва бу эса ўз навбатида тадбиркорлик субъектлари учун экспорт операциялари амалга ошириш масаласида кўп ўйланишга мажбур қиларди.

Чет эл инвесторларига ҳам олинадиган фойдани чет эл валютасида репатриация қилиш имконияти мавжуд эмаслиги улар томонидан мамлакат иқтисодиётига сармоя киритиш фойдали бўлмай қоларди. Мамлакатда эркин конвертациянинг мавжуд эмаслиги иқтисодиётга чет эл инвестицияларини жалб қилишга тўсқинлик қилувчи асосий тўсиқлардан бири бўлиб ҳисобланган. Албатта, юқоридаги сингари валюта чекловлари мамлакатнинг инвестициявий жозибadorлигига салбий таъсир кўрсатади.

2016 йилда Ш.Мирзиёев Ўзбекистон Республикаси Президенти этиб сайлангач иқтисодиётининг барча соҳаларида кенг кўламли ислохотлар амалга оширила бошланди. 2017-2021 йилларда Ўзбекистон Республикасини ривожлантиришнинг бешта устувор йўналишлари бўйича Ҳаракатлар стратегияси йўналишларидан бири иқтисодиётни ривожлантириш ва либераллаштириш ҳисобланади[5]. Мазкур йўналиш ўз ичига илғор халқаро тажрибада қўлланиладиган инструментлардан фойдаланган ҳолда пул-кредит сиёсатини янада такомиллаштириш, шунингдек валютани тартибга солишда замонавий бозор механизмларини босқичма-босқич жорий этиш, миллий валютанинг барқарорлигини таъминлашни олади. Ҳаракатлар стратегиясини амалга ошириш йўлида мамлакат раҳбарияти томонидан валюта сиёсатини эркинлаштириш бўйича кечиктирилмаган ҳолда, аммо босқичма-босқич чоралар қабул қилинди. Л.С.Кабир ва бошқалар таъкидлаб ўтганидек валютани эркинлаштиришдаги афзалликлар эҳтимолий харажатлардан юқори бўлиши учун валютани эркинлаштириш жуда пухта режалаштирилган, ўз вақтида ва изчил амалга ошириши зарур[6].

Валюта бозорини эркинлаштиришнинг биринчи босқичи экспорт қилувчиларнинг алоҳида категорияси учун валюта тушумининг мажбурий сотиш бўйича нормативларни пасайтиришдан бошланди. 2016 йил 20 сентябрдан бошлаб янги мева-сабзавот, узум ва полиз маҳсулотларини экспорт қилишдан тушадиган валюта тушумининг мажбурий сотиш 50%дан 25% га пасайтирилди[7]. Шунинг таъкидлаб ўтиш зарурки, ушбу преференция ташкилий-ҳуқуқий шаклидан ва идоравий мансублигидан қатъи назар, экспорт қилувчи корхоналар ва ташкилотлар, шу жумладан микрофирмалар, кичик корхоналар, фермер ва деҳқон хўжаликлари нисбатан татбиқ қилинди. Бошқа экспорт қилувчилар учун амалдаги валюта тушумини мажбурий сотиш қоидалари сақланиб қолинди. Аммо улар ҳам кўп кутмадилар.

2017 йил 1 февралдан бошлаб валюта тушумини мажбурий сотиш ҳажмини пасайтириш товар ва хизматларни экспорт қилувчиларнинг барчасига татбиқ қилина бошланди.

Валюта бозорини эркинлаштиришнинг иккинчи босқичи экспорт қилувчилар учун валюта тушумини мажбурий сотиш бўйича талабларни бекор қилиш билан боғлиқ. 2017 йил 1 августдан бошлаб товарлар(ишлар, хизматлар) экспорти бўйича валюта тушумининг 25%ини мажбурий сотиш бўйича талаблар бекор қилинди.

Ўзбекистон Республикаси Президентининг 2017 йил 2 сентябрдаги “Валюта сиёсатини либераллаштириш бўйича биринчи навбатдаги чора-тадбирлар тўғрисида” ПФ-5117-сонли фармони валютани тартибга солишда кенг қамровли ислохотларни амалга оширишни назарда тутди. Ушбу ҳужжат билан юридик шахслар жорий халқаро операциялар (товар, иш ва хизматлар импорти, фойда репатриацияси, кредитларни қайтариш, хизмат сафари харажатларини тўлаш ва бошқа савдо характериға эға бўлмаган ўтказмалар) бўйича тўловларни амалға ошириш учун тижорат банкларида чет эл валютасини чекловсиз сотиб олишлари, Ўзбекистон Республикасининг резиденти бўлган жисмоний шахслар чет эл валютасини тижорат банкларининг валюта айирбошлаш шохобчаларига эркин сотиши ва конверсион бўлимларида сотиб олинган маблағларни халқаро тўлов карталарига ўтказиш бўйича амалдаги тартибға асосан сотиб олиши ва чет элда ҳеч қандай чекловларсиз ишлатиши мумкин бўлди ҳамда истеъмол товарлари импорти билан шуғулланувчи юридик шахс ташкил этмасдан фаолият кўрсатувчи якка тартибдаги тадбиркорларға чет эл валютасини жисмоний шахслар учун ўрнатилган тартибда, банклардаги ҳисобварақлар орқали сотиб олишға рухсат берилди. Шунингдек, мулкчилик шаклидан қатъи назар, барча экспортчи корхоналарнинг чет эл валютасидаги тушумини мажбурий сотиш бўйича талаб бекор қилинди, чет эл валютасида даромад олувчи юридик шахс ташкил этмасдан фаолият кўрсатувчи якка тартибдаги тадбиркорлар, шунингдек, фермер хўжаликлари ўз банк ҳисобварақларидаги чет эл валютасини нақд кўринишида олиши мумкин бўлди, тижорат банклариға хорижий валютада операцияларни амалға ошириш бўйича лицензия бериш амалиёти бекор қилинди.

Юқоридаги фармонда Ўзбекистон Республикаси Марказий банкиға мазкур фармонда белгиланшан нормалар таъсирини таҳлилидан келиб чиқиб Ўзбекистон Республикасининг “Валютани тартибға солиш тўғрисида” қонунини янги таҳрири лойиҳасини ишлаб чиқиш вазифаси юклатилган эди.

Валюта қонунчилигини эркинлаштириш жисмоний шахслар томонидан валюта қимматликларини мамлакат ҳудудидан олиб чиқиш ҳолатларини ҳам қамраб олди. Жисмоний шахслар томонидан нақд хорижий валютани Ўзбекистон Республикасининг божхона чегараси орқали олиб олиб чиқиш тартиби ҳам соддалаштирилди. 2018 йилнинг 1 январидан бошлаб жисмоний шахслар эквиваленти 2 000 АҚШ долларига тенг ёки ундан ошмайдиган миқдордаги нақд хорижий валютани мамлакатға олиб кириш ёки олиб чиқиб кетишда божхона декларациясини тўлдирмасдан амалға ошириш ҳуқуқиға эға бўлдилар. Шунингдек жисмоний шахслар 5 000 АҚШ долларига тенг ёки ундан ошмайдиган сумма доирасида хорижий валютани ҳеч қандай рухсатномаларсиз олиб чиқиш имониятиға бўлдилар. 5 000 АҚШ долларидан ортиқ хорижий валютани Ўзбекистон Республикаси резидентлари Марказий банкнинг рухсатномаси орқали олиб чиқиш ҳуқуқиға эға бўлдилар.

Кейинчалик янги таҳридаги Ўзбекистон Республикасинг “Валютани тартибға солиш тўғрисида” қонуни билан жисмоний шахслар томонидан эквиваленти 100 000 000 (юз миллион) сўмға тенг ёки ундан ошмайдиган миқдордаги нақд валюта маблағларини Ўзбекистон Республикасидан ташқарига божхона назорати қоидаларига риоя этилган ҳолда чекловларсиз олиб чиқиш тартиби белгиланди[8].

Мамлакатда валютани либерализациялаштириш бўйича ижобий ўзгаришлар халқаро ташкилотлар томонидан тан олинмоқда. “Халқаро Валюта Жамғармаси миссиясининг Халқаро Валюта Жамғармаси Шартномаси IV моддаси доирасидаги 2018 йилда ўтказилган маслаҳатлашувларнинг якуний баёнотида” мазкур ташкилот миссияси мамлакатнинг расмий органлари 2017 йил сентябрь ойида валюта бозорини либерализацияни амалға оширганини ҳамда расмий валюта курси 50 фоизға пасайганини таъкидлаб ўтган. Миссиянинг фикрича

мазкур биринчи қадамдан сўнг ўзгаришларнинг дастлабки қисми бошланди, бу эса ўз ичига нархларни либерализация қилиш, давлат корхоналарни ислоҳ қилиш, Ўзбекистон Республикаси Марказий банкига мустақиллик бериш ва статистикани такомиллаштиришни ўз ичига олади [9].

2019 йил 10 октябрда янги таҳрирдаги “Валютани тартибга солиш тўғрисида” қонунинг қабул қилиниши валютани қонунчилигини эркинлаштириш бўйича амалга оширилган ишларнинг катта натижаси бўлди.

Мазкур қонун қабул қилиниши билан амалдаги валюта қонунчилигида мажуд бўлган бир қанча чекловларни олиб ташланди.

Масалан, эски таҳрирдаги Ўзбекистон Республикасининг “Валютани тартибга солиш тўғрисида” қонуни 16-моддаси резидент жисмоний шахсларга хорижда ҳисобварақлар очишда чекловлар ўрнатилган эди. Юқоридаги модда қоидаларига кўра Ўзбекистон Республикасининг резидент жисмоний шахслари Ўзбекистон Республикасидан ташқарида ҳисобварақлар очишига ҳамда бу ҳисобварақлардан фойдаланишига уларнинг фақат хорижда бўлиши ва фаолият кўрсатиши даврида йўл қўйилиши белгиланган эди. Яъни жисмоний шахслар фақатгина хорижда бўлиб туриш муддатидагина банк ҳисобварақлари очиш ҳуқуқига эга бўлар эдилар. Уларнинг чет элда бўлиши ёки фаолият кўрсатиши тугагач, ҳисобварақлар ёпилиши лозим, ҳисобварақлардаги маблағларнинг қолдиқлари эса Ўзбекистон Республикасига ўтказилиши белгиланган эди. Эндиликда резидент жисмоний шахслар Ўзбекистон Республикаси банкларида ва Ўзбекистон Республикасидан ташқарида чет эл валютасида ҳисобварақлар ҳамда омонатлар очишга ҳақли эканлиги белгилаб қўйилди.

Шунингдек, ислохотларга қадар мамлакатда товар ва хизматлар нархини чет эл валютасида ўрнатиш ҳолатлари ҳам мавжуд эди. Бу ҳолат эса хориж валютасининг расмий курсининг ўзгариши оқибатида нархларнинг миллий валютага ҳисобланганда асоссиз равишда ошишига олиб келаётган эди. Эндиликда эса Ўзбекистон Республикаси ҳудудида товарлар (ишлар, хизматлар) учун барча ҳисоб-китоблар ва тўловлар Ўзбекистон Республикаси валютасида амалга оширилиши белгиланди. Шунингдек, Ўзбекистон Республикаси ҳудудида товарлар (ишлар, хизматлар) учун тарифлар, нархлар, шу жумладан миллий электрон савдо майдончаларидаги шундай тарифлар, нархлар, шунингдек юридик шахсларнинг устав фондлари (устав капиталлари) миқдорларига доир талаблар фақат Ўзбекистон Республикаси валютасида белгиланиш кўрсатилди.

Юқорида таъкидланган валютани либераллаштириш бўйича амалга оширилган ишларга қарамай валютани тартибга солиш соҳасида ҳамон баъзи чекловлар мавжуд бўлиб қолмоқда.

Масалан, мамлакатда амалга оширилган ислохотларга қарамасдан хўжалик субъектлари томонидан чет элларда банк ҳисобварақларини очишда чекловлар ўрнатилган. Амалдаги қонунчиликка кўра резидент юридик шахслар томонидан Ўзбекистон Республикаси ҳудудидан ташқарида ҳисобварақлар очишга ҳамда улардан фойдаланишга, башарти Ўзбекистон Республикаси Президентининг ёки Ўзбекистон Республикаси Ҳукуматининг Ўзбекистон Республикаси валютасида ёки чет эл валютасида ҳисобварақлар очиш ва улардан фойдаланиш мақсадлари назарда тутилган қарорлари ёхуд Ўзбекистон Республикасининг шундай халқаро шартномалари мавжуд бўлса, йўл қўйилади.[8]. Янги қоидага кўра резидент юридик шахс учун чет эл банкида ҳисоб варақ очиш фақатгина Президент ёки Ҳукумат қарорида ҳисоб-варақ очиш назарда тутилсагина очиши мумкин бўлади. Кўп давлатларда резидент юридик шахслар хориж банкларида ҳисобварақ очишлари эркин ва улар мазкур ҳисобварақ тўғрисида ўз мамлакати Марказий банкини хабардор қилади холос.

Худди шундай банк ҳисоб варақлари очиш учун қўйилган чекловни норезидент юридик шахсларга нисбатан ҳам кузатиш мумкин. “Валютани тартибга солиш тўғрисида” қонуни 13-моддасига кўра фаолиятни Ўзбекистон Республикаси ҳудудида амалга ошириш норезидент юридик шахсларнинг Ўзбекистон Республикасида банк ҳисобварақларини очиши ва улардан фойдаланиши учун мажбурий талаб ҳисобланади. Хориж компаниялари томонидан банк ҳисоб варақлари очишда қўшниларимиз Қозоғистон Республикасида анча енгил эканини

кўриш мумкин. Қозоғистон Республикасининг “Валютани тартибга солиш ва валютани назорат қилиш тўғрисида” қонуни 8-моддасига кўра резидент ва норезидентлар Қозоғистон Республикаси ҳудудида миллий ёки хорижий валютадаги банк ҳисобварақларини чекланмаган ҳолда очишлари мумкин. Россия Федерациясида ҳам норезидентлар учун мамлакат ҳудудида банк ҳисобварақлари очиш учун бирор бир шарт белгиланган эмас. Фақатгина норезидентлар банк ҳисобварақларини ваколатли банкларда очса бўлди. Россия Федерациясининг “Валютани тартибга солиш ва валюта назорати тўғрисида” қонуни 13-моддасига кўра норезидентларга ўзларининг мамлакат ташқарисида жойлашган ҳисобварақларидан Россия Федерациясида ваколатли банкда очилган ҳисобварақларга ҳеч қандай чекловларсиз маблағлар ўтказиш ҳуқуқи кафолатланган. Россия Федерациясида ҳам норезидентлар учун мамлакат ҳудудида банк ҳисобварақлари очиш учун бирор бир шарт белгиланган эмас. Фақатгина норезидентлар банк ҳисобварақларини ваколатли банкларда очса бўлди.

Амалдаги валюта қонунчилигида Ўзбекистон Республикаси ҳудудида товарлар (ишлар, хизматлар) учун тарифлар, нархлар, шу жумладан миллий электрон савдо майдончаларидаги шундай тарифлар, нархлар, шунингдек юридик шахсларнинг устав фондлари (устав капиталлари) миқдорларига доир талаблар фақат Ўзбекистон Республикаси валютасида белгиланади деган қонуннинг киритилиши, албатта миллий валютаамизнинг мустақамланишида муҳим роль ўйнайди. Аммо мазкур ҳолат Ўзбекистон Республикасида фаолият юритаётган чет эл компаниялари учун баъзи қийинликларни келтириб чиқарди. Шунинг учун давлат-хусусий шерикчилик асосида фаолият юритаётган чет эл компанияларига мамлакатда амалга оширилаётган битимларида нархларни чет эл валютасида белгилашга имкон берувчи қондаларни ўз ичига олган ўзгартиришлар 2021 йил 23-январда Ўзбекистон Республикаси “Валютани тартибга солиш тўғрисида” қонуни 9-моддасига киритилди. Мазкур ўзгартиришларга кўра Ўзбекистон Республикаси ҳудудида реализация қилинадиган товарлар (ишлар, хизматлар) нархларининг чет эл валюталарига ва шартли бирликларга боғланишига йўл қўйилмайди. Алоҳида ҳолларда, давлат-хусусий шерикчилик тўғрисидаги битимлар ва Ўзбекистон Республикаси Ҳукумати билан инвестиция шартномалари доирасида жалб этиладиган чет эл инвестициялари иштирокида амалга ошириладиган лойиҳалар бўйича Ўзбекистон Республикаси ҳудудида реализация қилинадиган товарлар (ишлар, хизматлар) нархларининг чет эл валюталарига ва шартли бирликларга боғланишига Ўзбекистон Республикаси Президентининг қарорлари асосида йўл қўйилиши мумкин. Амалдаги валюта қонунчилигида чет эл валютасида нархи кўрсатилиши мумкин бўлган битимлар доирасини келтириб ўтилса юқоридагига ўхшаш муаммолар олди олинган эди.

Ўзбекистон Республикаси Президенти Ш.Мирзиёевнинг 2018 йил 28 декабрда Олий Мажлисга қилган мурожаатида 2019 йилда амалга вазибалар ҳақида тўхталиб, валютани эркинлаштириш сиёсатини изчил давом эттириш, барқарор монетар сиёсатни амалга ошириш энг асосий вазибалардан бири деб таъкидлаб ўтиши мазкур соҳада амалга ошириладиган ишлар янада чуқурлаштирилиши давом этилиши зарур эканлигини кўрсатади.

Валюта қонунчилигини янада эркинлаштириш Ўзбекистон Республикаси иқтисодиётини жаҳон ҳамжамияти учун очиқ бўлишини таъминлайди ҳамда мамлакатнинг инвестициявий жозибардорлигини оширади.

Иқтибослар/Сноски/References:

1. Ўзбекистон Республикаси Конституцияси (Constitution of the Republic of Uzbekistan) <https://lex.uz/docs/35869?twolang=true>
2. И.В.Погодина, Либерализация валютного законодательства – угроза экономической безопасности РФ? Финансовое право №6 – 2010 (I.B.Pogodin, Liberalization of currency law is threat to the economic security of the Russian Federation?, Financial Law, #6, 2010)
3. «Деловая среда в Узбекистане глазами представителей малого и среднего бизнеса». Международная финансовая корпорация, 2003 г. (www.ifc.org/pep), стр 102 (Business

environment in Uzbekistan through the eyes of representatives of SME, International Finance Corporation, 2003, page 102)

4. IMF Country Report No. 07/133. Republic of Uzbekistan: 2006 Article IV Consultation—Staff Report; <https://www.imf.org/en/Publications/CR/Issues/2016/12/31/Republic-of-Uzbekistan-2006-Article-IV-Consultation-Staff-Report-Public-Information-Notice-20617>
5. Ўзбекистон Республикасини янада ривожлантириш бўйича Ҳаракатлар стратегияси тўғрисида” Ўзбекистон Республикаси Президентининг 2017 йил 2 февралдаги ПФ-4947-сонли фармони (Decree of the President of the Republic of Uzbekistan dated February 2, 2017 No PF-4947 "On the Action Strategy for further development of the Republic of Uzbekistan") <https://lex.uz/docs/3107036>
6. Л.С.Кабир, И.А.Яковлев, С.В. Никулина, Валютная либерализация в зарубежных странах: накопленный опыт и перспективы, журнал «Финансы и кредит», № 4, 2016г, стр 44 (L.S. Kabir, I.A. Yakovlev, S.V. Nikulina, Currency liberalization in foreign countries: accumulated experience and prospects, the journal "Finance and Credit", # 4, 2016, page 44)
7. “Мева-сабзавот, узум ва полиз маҳсулотларини экспорт қилишни рағбатлантиришга доир қўшимча чора-тадбирлар тўғрисида”ги Ўзбекистон Республикаси Президентининг 2016 йил 19 сентябрдаги ПК-2603-сонли қарори (Decree of the President of the Republic of Uzbekistan dated September 19, 2016 No PP-2603 "On additional measures to stimulate the export of fruits, vegetables, grapes and melons") <https://lex.uz/docs/3031551>
8. Ўзбекистон Республикасининг “Валютани тартибга солиш тўғрисида”қонуни (янги таҳрирда) 2019 йил, 22 октябрь, ЎРҚ-573-сон (aw of the Republic of Uzbekistan "On currency regulation" (in the new edition) dated October 22, 2019, No. O’RQ-573) <https://lex.uz/docs/4562834>
9. Republic of Uzbekistan: 2018 Article IV Consultation-Press Release; Staff Report; and Statement by the Executive Director for the Republic of Uzbekistan, <https://www.imf.org/en/Publications/CR/Issues/2018/05/11/Republic-of-Uzbekistan-2018-Article-IV-Consultation-Press-Release-Staff-Report-and-Statement-45873>
10. Хамидов Нурмухаммад. "ПОНЯТИЕ ТРАНСНАЦИОНАЛЬНЫХ ПРЕСТУПЛЕНИЙ И СОЦИАЛЬНАЯ НЕОБХОДИМОСТЬ УСТАНОВЛЕНИЯ ОТВЕТСТВЕННОСТИ ЗА НИХ" Review of law sciences, vol. 5, no. Спецвыпуск, 2020, pp. 118-127. (Khamidov Nurmukhammad. "The concept of transnational crimes and the social necessity of establishing responsibility for them" Review of law sciences, vol. 5, no. Special issue, 2020, pp. 118-127) doi:10.24412/2181-919X-2020-118-127

**ҲУҚУҚИЙ ТАДҚИҚОТЛАР
ЖУРНАЛИ**
6 ЖИЛД, 8 СОН

**ЖУРНАЛ ПРАВОВЫХ
ИССЛЕДОВАНИЙ**
ТОМ 6, НОМЕР 8

**JOURNAL OF LAW
RESEARCH**
VOLUME 6, ISSUE 8

Editorial staff of the journals of www.tadqiqot.uz

Tadqiqot LLC The city of Tashkent,
Amir Temur Street pr.1, House 2.

Web: <http://www.tadqiqot.uz/>; Email: info@tadqiqot.uz

Phone: (+998-94) 404-0000

Контакт редакций журналов. www.tadqiqot.uz

ООО Тадqiqot город Ташкент,
улица Амира Темура пр.1, дом-2.

Web: <http://www.tadqiqot.uz/>; Email: info@tadqiqot.uz

Тел: (+998-94) 404-0000